

Ref. 29.11.67 u po shkruhet me shpejt S.

Protokoll i bisedës që bëri kryetari Mao Ce Dun në pritjen që i bëri delegacionit të miqësisë të RP të Shqipërisë të kryesuar nga shoku Shefqet Peçi më 18/12/1967.

Në takim nga shokët kineze asistuan: Lin Biao, Çu En Lai, Çen Po Ta, Kan Shen, Jan Çen U dhe Van Shu Shen; nga shokët shqiptarë, asistuan gjithë anëtarët e delegacionit të miqësisë skulptori Shaban Hadëri, piktori Kujtim Buza dhe ambasadori i RPSH në RP të Kinës Vasil Nathanaili.

Kryetari Mao: Mirse na erdhët shokë !
Sa kohë kini në vëndin tonë ?

Shoku Shefqet: Kemi 29 ditë

Kryetari Mao: Mësova që vajtët dhe në krahina të ndryshme.
Në cilat vënde kini qënë ?

Shoku Shefqet: Vajtëm në Kanton, Uhan, Nanking, Hanxhou dhe Shanghai.

Më lejoni shoku Mao Ce Dun që t'ju transmetoj të falat e shokut Enver Hoxha, i cili me porositi në mënyrë të veçantë.

Kryetari : Ju lutem ti transmetoni shokut Enver Hoxha përshëndetjet e mija i uroj atij shëndet të plotë.

Mora vesh se në vëndin tuaj ra një tërmet. A pati dëme të mëdha ?

Shoku Shefqet: U vranë 12 njerëz dhe u shkatëruan mbi 4000 ndërtesa. Mbrëmë morëm vesh se shoku Enver Hoxha dhe shoku Mehmet Shehu vajtën ^{vetë} në rajonet e dëmtuara nga tërmeti.

Kryetari : Sa larg prej Tiranë janë zonat ku ishte epiqëndra e tërmetit, a pati tronditje në Tiranë ?

Shoku Shefqet : Ato janë rreth 250 km., në kufi me Jugosllavinë. Edhe në Tiranë pati pak tronditje.

Kryetari : Vitin e kaluar ra dhe në vëndin tonë tërmet, lëkundjet e të cilit u ndjenë edhe në Pekin. Ju shoku ambasador besoj se ishit këtu dhe e ndjetë. Atëhere unë isha në Hanxhou. Shoku Çu En Lai vajti vetë në rajonin e dëmtuar.

Shoku Çu En Lai : Atëhere shoku Lin Biao ishte në Suxhou.

Kryetari : Atëhere ne patëm mjaft viktime, gjithesej numuri i të vrarëve e të plagosurve arriti rreth 10.000 veta midis të cilëve disa qindra të vrarë.

Shoku Shefqet: Paska qënë i rënd tërmeti që ra në vëndin tuaj, edhe tërmeti që ra këtë herë në vëndin tonë ishte gjithashtu i rëndë.

Kryetari: Siç duket edhe rruzulli i tokës nuk është i qetë.

Shoku Kan Shen: Këtë herë tërmeti ishte më i rëndë në Jugosllavi.

Shoku Shefqet: Këtë herë tërmeti ishte më i rëndë në Jugosllavi.

Shoku Shefqet: Në Jugosllavi bien më shumë tërmete. Në Shkup ka rënë më i rëndë akoma. Neve këtë herë i kemi marrë të gjitha masat e domosdoshme. Shokët e KQ kanë vajtur kudo në këto vënde dhe çdo gjë po vihet në vënd.

Kryetari: Thuhet se në gjithë ruzullin gjate një viti ka disa dhjetra e deri në 100 herë lëkundje të mëdha.

Shoku Çu En Lai: Siç u raportova vitin e kaluar brënda dy muajve ndodhen rreth 1000 lëkundje.

Kryetari : Po edhe në Japoni pati lëkundje.

Këto tregojnë se edhe në thellësi të ruzullit të tokës ka kontradikta dhe ndodhin konflikte. Ashtu sikurse bie tërmeti, edhe në vëndin tonë u zhvillua një luftë e ashpër klasore. Thuhet se këtë herë u grabitën 1.100.000 armë të nxehta si granata, pushkë, mitroloza dhe topa. Kjo nuk është një gjë e rastit, por si rezultat i vetë ekzistencës së gomindanistëve, borgjezëve, çifligarëve, spiunëve e kundrarevolucionarëve të mbetur që nga koha e çlirimit. Këta njerëz u bënë drejtuesit e përleshjeve me armë, mashtronin masat dhe i nxisnin ato për të luftuar midis tyre duke marrë edhe vetë pjesë në këto konflikte. E ashtuquajtura grabitje e armëve nuk është e vërtetë. Armët nuk u grabitën nga masat por ua shpërndanë masave. Të majtët ua dhanë të majtëve dhe të djathtët të djathtëve. Po të mos merrnin zgjidhje problemet midis tyre ata fillonin luftën me armë.

Në provincën Xheçian dhe në qytetin Nanking ka patur përleshje me armë.

Një pjesë e kuadrove të njësive lokale të ushtrisë, të rajoneve ushtarake, divizioneve të pavarura, rregjimenteve të vetëmbrojtjes dhe të degëve të mobilizimit kanë qënë bashkëpunorë me gomidanasit, çifligarët dhe borgjezët. Disa kuadro ishin degjeneruar si në mënyrën e të menduarit dhe në mënyrën e jetesës. Këtë herë ata u demaskuan.

Ç'far mendimi kini juve për këtë?

Shoku Shefqet : Kjo ka anët e saj të mira dhe të këqija, por pa u turbulluar ujët, nuk mund të kullohet. Ne pamë vetë se gjëndja po përmirësohet gjithmonë e më shumë.

Kryetari : Ashtu është. Në gjashtëmuajorin e dytë të këtij viti gjëndja ka ndryshuar në krahësim me gjashtëmuajorin e parë.

Qysh nga data 5 shtator, kur dhamë urdhër që të grumbullohen armët, janë dorëzuar 900.000 armë, tani kanë mbetur akoma rreth një e dhjeta e tyre, të cilat mbajtesit e tyre po i ruajnë si rezervë.

Shoku Shefqet : Edhe ata do ti dorëzojnë.

Kryetari : Në të ardhmen do ti dorëzojnë.

Edhe neve kemi shpërndarë një sasi armësh ndër punëtorët në provincën Hunan në rajonin autonom të Ninsia dhe në qytetet Uçan dhe Nançan.

Shoku Kan Shen : Atje ku është bërë bashkimi u kemi dhënë armë mbasi është më e sigurtë tu jepen armët atyre që janë bashkuar.

Kryetari : Në përgjithësi një pjesë e njesiteve lokale në disa krahina i kemi të dobëta. Repartet e ushtrisë së rregullt i kemi shumë të forta, por ka dhe njësi lokale që janë të mira.

Shoku Shefqet : Ushtria juaj është e fortë dhe e disiplinuar.

Kryetari : Neve mbështetemi në forcën e ushtrisë. Tani në Pekin kemi 4 divizione me nga 10.000 veta sejcili. Deri përpara muajit maj të vitit të kaluar në Pekin kemi patur vetëm dy divizione, por në maj sollëm dhe dy të tjera për të larë hesapet me ish komitetin e partisë të Pekinit.

Ja pra, shikoni se ka patur njerëz që nuk i bindeshin KQ të kryesuar nga unë siç ishte komiteti i Pekinit. Ka patur mjaft njerëz që nuk na bindeshin.

5

Shoku Shefqet : Tani që bëhet revolucioni kultural, ata do të binden që të gjithë se ndryshe do ti përpijne revolucionarët.

Kryetari: Ashtu është, neve duhet të gjejmë mbështetje në masat, se masat i bindin ata dhe jo neve. Ata njerëz kanë frikë nga masat, nga studentët, punëtorët, fshatarët dhe nga taxebaot.

Shoku Shefqet: Neve vajtëm në një divizion afër Pekinit dhe pamë se ai ishte shumë i fortë; atje pamë qitjen dhe morëm pjesë në të.

Kryetari: Ne kemi një eksperiencë të tillë, që atje ku venë repartet e rregullta ata ja ndryshojnë fizionominë edhe ushtrisë lokale.

Shoku Kan Shen: Kam marë vesh se shokët tanë u treguan juve vetëm anët pozitive.

Shoku Vasil Nathanailli: Jo, në 4 provincat që vajta unë sipas porosisë së kryetarit Mao, kish patur përleshje dhe konflikte me armë, shokët na folën për këto.

Shoku Çu En Lai : Ambasadori ishte më parë, nuk ish sëbashku me delegacionin.

Shoku Shefqet: Neve na treguan dhe pamë çdo gjë. Shokët Mehmet Shehu dhe Ramiz Alia na thanë se gjëndja në vëndin tuaj po bëhet çdo ditë e më e mirë dhe kjo na ka gëzuar shumë. Shokët tuaj na treguan çdo gjë me sinqeritet, pa na fshehur asgjë.

Kryetari: Ata duhet tu flasin për procesin e zhvillimit të revolucionit. Në të kaluarën gjëndja ishte si uji i vdekur, kurse tani ai levizi.

Lufta me armë të nxehta filloi qysh në qershorin e këtij viti dhe vazhdoi deri në tetor, tani ka vetëm ndonjë rast të rallë.

Shoku Çu En Lai : Kemi marë vesh se në qytetet Linyngan, Uhu, Kunmin e Çunçin po përgatiten për luftë të armatosur.

Kryetari: Është më mirë që ta ndezin zjarrin në këto vënde. Ata nuk kanë luftuar sa duhet dhe nuk është përcaktuar fati i fitores ose disfatës midis dy grupeve të mëdha.

Shoku Shefqet: Kështu do të dalin në shesh të gjitha gjerat.

Kryetari: Atje ku u bë luftë shumë e ashpër problemet janë zgjidhur më lehtë. Pekini është një vënd shumë i kulturuar. Në Pekin ka patur kudo përleshje, por vetëm shumë pak njerëz janë vrarë. Ketu nuk u grabitën armët se ishte çrrenjesor pikmbështetja e njerëzve të këqinj. Në Pekin pati përleshje të forta midis njesive të tre lloj armëve por nuk pati të vrarë, se rreth 2000 njerëzit që rahen e grabitën nuk kishin armë në dorë dhe u izoluan e u shtypën për një kohë të shkurtër. Tani ekzistojnë vetëm mbeturina të tyre. Ata kanë patur mbështetjen e njerëzvet me influencë siç është U Ke Hua ish komandant i armës së artilerisë, i cili tani është shkakrkuar nga funksioni dhe po bën autokontroll.

Shoku Shefqet: A rron ky ?

Kryetari: Po rron (duke qeshur)

Shoku Shefqet: Po, rregulli është që kur tradhëton merren masa.

Kryetari: Ai nuk e quan këtë si tradhëti, por si qëndrim revolucionar. Të tillë njerëz nuk janë të paktë. Te tillë ka patur në rajonet ushtarake të provincës Çiansi, Hunan, Hubej e Xheçian. Disa prej tyre i kemi transferuar dhe disa të tjerë i kemi shkakrkuar e dërguar nëper kurse studimi. Të tillë njerëz përbëjnë 1-3% të numurit të përgjithshëm të kuadrove. Po të jenë të ndërgjegjeshme mbi 95% të kuadrove, elementët e këqinj nuk kanë seç bëjnë.

P. sh. në ministrinë e Punëve të Jashteme eshte bërë luftë e ashpër midis dy grupeve, por kjo luftë ka qënë tepër e kulturuar.

Shoku Shefqet: Dipilomatët sillen gjithmone të kulturuar.

Kryetari: Disa gjera ne nuk i kishim parashikuar dot në të kaluarën. Pothuajse ne çdo qëndër dhe provincë njerezit u ndanë në dy grupe. Në të kaluarën neve nuk kemi parë as përleshje midis masave, kjo ndodhi në vitin e kaluar dhe ne kuptuam se ky është një fenomen që ndodh kudo. Njerezit u ndanë kudo në dy fraksione, se edhe në komitetet e provincave e në radhët e partisë ka patur grupe. P.sh. në Ministrinë e Punëve të Jashtëme, njerezit e këqinj i kurdisin e drejtojnë të tjerët. Atje ka qënë ish anëtari i partisë së Gomindanit Shao Xhun Han, Zv. shefi i kabinetit për studimet ndërkombëtare të MP të Jashtëme, atje ka patur dhe njerëz të dyshimtë si Liu Siao ambasadori tonë në Tiranë dhe elementë të këqinj si Zv. ministri Çen Çia Kan. Liu Siao ka qënë despot në Ambasadën tonë në Tiranë, ai ka mbajtur qëndrim prej shpvinisti të shtetit të madh ndaj jush. Ai ka qene 7 vjet me radhë ambasador në Moskë dhe ka ndjekur politikën e pajtimit me revizionistët

Por çështja më kryesore e tij është e lidhur me qëndrimin para çlirimit. Ai është arrestuar dy here nga Gomindani dhe është liruar; ka patur lidhje të ngushta me Phan Han Nien - ish zv.kryetar i Komitetit ekzekutiv dhe sekretar partie i Shangait - spiun i Çankaishisë. Në gjirin e Partisë Komuniste janë futur dhe një pjesë ish anëtare të Gomindanit.

Njerëzit që arrestoheshin nga Gomindani lëshonin deklarata ose botonin të tilla deklarata në shtyp. Neve nuk i kemi ditur këto gjera, kurse kësaj here gardistët e kuq i zbuluan ata. Deklarata të tilla kanë bërë Liu Shao Çi, Pen Çen, Tao Xhu, Llu Din I, Po I Bo e të tjere, kurse Lluo Zhuej Çini nuk ka hyrë fare zyrtarisht në parti, veç kësaj është akoma shumë e erët historia e tij gjatë viteve 1927-1929.

Pra me një fjalë mund të themi se njerëz të tillë janë një pakicë. Këtë herë u bë kudo një verifikim i kuadrove nga masat e popullit. Ka mundësi që në këtë mes të goditen edhe disa kuadro të mira, por neve nuk i vrasim njerëzit dhe këto viktime të masave të popullit ne i rehabilitojmë përsëri. Ka mjaft njerëz, që kanë bërë gabime dhe prandaj masat nuk^ubesojnë atyre. P.sh. kështu ka ndodhur me Xhan Ti Sia sekretar dhe kryetar i provincës Hubej, Xhan Tin Hua sekretar i provincës Hunan. Që të dy këta kanë qënë kuadro ushtarake. Njerëz të tillë ne i kemi marrë nën mbrojtje dhe nuk i lemë atje ku janë, se ndryshe masat do të ngrihen të luftojnë kundër tyre e ti bëjnë "aviona reaktivë".

Shoku Vasil Nathanaili: Ashtu siç bënë ish komandantin e Uhanit Çen Xaj Tao.

Kryetari: Atë e bëri "avion reaktiv" ish roja dhe sekretari i tij. Më von neve i bindëm njerëzit që të mos vepronin më kështu.

Por nuk mund të themi se kjo është diçka krejt e keqe, se mjaft njerëz që u bënë "aviona reaktivë" u kalitën fizikisht. P.sh. sekretari i provincës Henan Çi Xhen Kuej, është njeri i mirë, por atë e bënë reaktivë të djathtët qindra herë. Unë e pyeta atë si je me shëndet dhe me tha se jam shumë mirë. Kjo është një kalitje fizike për njerëzit e mirë.

Tani kuadrot tona nuk venë më nëpër shtëpi pushimi, senatoriume dhe spitale. Përpara ata vinin edhe për një sëmundje të vogël në spitale dhe e ekzagjeronin atë, kurse tani nuk venë më.

Shoku Shefqet : Tani ata u shëruan.

Kryetari: Tani ata jo vetëm që nuk vuajnë nga sëmundjet por janë mirë me shëndet. Ata nuk kanë qënë keq me shëndet por kanë patur vullnet të dobët.

Shoku Çu En Lai : Ata kanë frikë nga përmbysesit revolucionarë.

Kryetari: Po kështu nga "avioni reaktiv" u kalitën edhe Çiou Huej Xuo, shefi i prapavijës dhe Li Tjen Hua, komisar i artillerisë, të cilët u goditën nga elementët e djathtë.

Siç ke thënë ti shoku Lin Biao është nder kur njerëzit e mirë godeten nga të këqinqtë. Por duhet që edhe të këqinqtë të goditen nga të mirët.

Periudha e "avionit reaktiv" zgjati një vit dhe tani ka marë fund. Tani edhe Çen Xaj Taon nuk e bëjnë më.

Ju fola për politikë. Kjo është një çështje e madhe për juve, ashtu siç është një çështje e madhe edhe për neve. Kjo tregon se gjëndja tek neve nuk ka qënë normale dhe do të thotë se neve po bëjmë revolucion. Fjala revolucion kulturor është një termë e përgjithëshme; në fakt ky është një revolucion politik dhe ekonomik.

P.sh. përpara një fabrike kishte më e pakë katër instanca: drejtoria, reparti, brigada dhe skuadra; kurse tani janë zhdukur dy prej tyre dhe janë pakësuar shumë njerëzit që nuk merren me prodhim. Ka patur provinca ku numuri i kuadrove të komitetit të partisë dhe të komitetit ekzekutiv arrinte në disa mijra njerëz, kurse tani mund të shkurtohen 3/4 e tyre.

Shoku Vasil Nathanaili: Në Çindao na thanë se në krahasim me të kaluarën numuri i kuadrove është pakësuar në masën 9/10.

Kryetari: Kjo është akoma më mirë. Në institucionet ku ka njerëz shumë krijohet një gjëndje shumë e keqe. Këta njerëz mbasi hanë nuk dinë dhe nuk kanë ç'të bëjnë, prandaj japin urdhëra dhe bëjnë shkresa të shumta duke u kredhur në burokraci.

Këta shokë a kanë qënë ndonjë herë në Kinë, kush janë ata?

(Shoku Shefqet e prezantoi nje për një, dhe kur mori vesh se shoku Sotir Naçi ka ndënjur për një kohë të gjatë në Kinë) ai tha:

Është mirë që për të njohur problemet e Kinës të merren njerëz që kanë qënë këtu për një kohë të gjatë, që dinë historinë dhe gjuhën kineze. Duhet të lexoni edhe taxebaot dhe jo vetëm Zhenminzhibaon që ajo nuk është e mjaftueshme. Duhet lexuar dhe gazetatat e vogla që nxjerrin punëtorët e gardistët.

Në provincën Çiansi nuk ka akoma gazetë zyrtare, atje dalin vetëm gazetatat e vogla. Në shumë provinca e qytete të mëdhenj u mbyllën gazetatat. Për këtë unë jam shumë i gëzuar. Organi i rinisë sonë ka qënë një gazetë revizioniste. Zhenminzhibao dhe Guanminzhebao (drita) kanë qënë gjysmë revizioniste dhe neve i morëm ato në dorë. Zhenminzhibaon ne e morëm nën drejtimin tonë më 30 maj 1966. Po kështu morëm në dorë dhe agjensinë Hsinhua dhe Radio Pekinin. Në këto sektorë është marë disa herë pushteti. Në Hsinhua kemi vendosur administrimin ushtarak. Atje ka shumë intelektualë dhe midis tyre gjenden edhe elementë të djathtë si dhe agjentë e spiunë të vëndeve të tjera. Kaqë kishe për tu thënë.

Shoku Shefqet: Ju uroj të rroni sa malet. Faleminderit shumë për pritjen shumë të ngrohtë që na betë.

Kryetari: Të lutem transmetoni shokut Enver të falat e mija, i uroj shokut Enver jetë të gjatë.